

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-21296/21
Sarajevo, 28.12.2021. godinc

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na rekonstrukciji saobraćajnice i izgradnji kanalizacione mreže u ulici Numan paše Čuprilića

I

Okvirni sporazum za javnu nabavku u predmetu – Izvođenje radova na rekonstrukciji saobraćajnice i izgradnji kanalizacione mreže u ulici Numan paše Čuprilića, broj obavještenja 422-1-3-207-3-185/21, objavljeno na Portalu javnih nabavki dana 11.11.2021. godine i “Službenom glasniku BiH- Oglasnik javne nabavke”, br. 71/21, dodjeljuje se ponuđaču „MGBH“ d.o.o. Sarajevo sa ponudom u iznosu od 572.394,55 KM bez PDV-a, odnosno 669.701,62 sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav (2) tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-21296/21 od 08.11.2021. godine Općina Novi Grad Sarajevo pokrenula je otvoreni postupak javne nabavke - Izvođenje radova na rekonstrukciji saobraćajnice i izgradnji kanalizacione mreže u ulici Numan paše Čuprilića, broj obavještenja 422-1-3-207-3-185/21, objavljeno na Portalu javnih nabavki dana 11.11.2021. godine i “Službenom glasniku BiH- Oglasnik javne nabavke”, br. 71/21.

Zapisnikom o otvaranju ponuda od 03.12.2021. godine konstatovano je da je blagovremeno u propisno upakovanim kovertama zaprimljeno pet (5) ponuda ponuđača: 1. „MGBH“ d.o.o. Sarajevo, 2. “Ame” d.o.o. Breza, 3. „Mibral“ d.o.o. Sarajevo, 4. „Orman“ d.o.o. Kiseljak i 5. grupa ponuđača “Ado-trans” d.o.o. Visoko i “Špic beton” d.o.o. Zenica.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učesće u ovom postupku.

Komisija je utvrdila da ponuda ponuđača „Ame“ d.o.o. Breza ne ispunjavaju uslov iz tačke 3.4.1. *tenderske dokumentacije – tehnička i profesionalna sposobnost: b) „ da ponuđač u radnom odnosu na neodređeno vrijeme ima zaposlenog jednog diplomiranog inženjera – građevinske ili arhitektonske struke sa položenim stručnim ispitom i 5 /pet/ godina radnog iskustva u struci”, a što se dokazuje shodno tački 3.4.2. b) i c) tenderske dokumentacije: “b) Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera - građevinske ili arhitektonske struke sa položenim stručnim ispitom i 5 /pet/ godina radnog iskustva u struci koji nije stariji od 30 dana računajući od dana utvrđenog kao krajnji rok za predaju ponuda (original ili ovjerena kopija) c) Dokaz o stručnoj spremi, položenom stručnom ispitu i radnom iskustvu za jedno lice VSS – građevinske ili arhitektonske struke (original ili ovjerena kopija).”*

Ponuđač “Ame” d.o.o. Breza je na stranici 48. ponude dostavio Uvjerenje o osiguranju bez broja od 11.11.2021. godine izdato od strane Porezne ispostave Vogošća – PU FBiH. Uvjerenje se odnosi na lice za koje je dostavljena diploma, šifra zanimanja 214206, datum prijave od 01.12.2013. godine. Na stranici 49. ponude dostavljena je diploma broj 237/16 o završenom stepenu prvog ciklusa dodiplomskog studija i stečenom akademskom zvanju bachelor inženjer građevinarstva i arhitekture – smjer građevinarstvo, izdata dana 01.10.2016. godine u Travniku. Na stranici 50. ponude dostavljeno je uvjerenje o položenom stručnom broj 15.06-153-733/17-G-3145/2017 od 29.9.2017. godine. Komisija je utvrdila da je dostavljena dokumentacija u ponudi kontradiktorna u smislu dokazivanja radnog iskustva u struci, obzirom da se radnim iskustvom od 5 godina u struci može smatrati iskustvo stečeno nakon sticanja diplome VSS, odnosno nakon dana diplomiranja 17.9.2016. godine.

Imajući u vidu navedeno utvrđeno je da ponuđač „Ame“ d.o.o. Breza ne ispunjava uslove tražene u tenderskoj dokumentaciji iz tački 3.4.1. (b) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostale četiri dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji, te izvršila računsku kontrolu ponuda koje ispunjavaju sve uslove i konstatovala je računsku grešku u ponudi grupe ponuđača „Ado trans“ d.o.o. Visoko i „Špic beton“ d.o.o. Zenica, o čemu je grupa ponuđača dostavila saglasnost na ispravku računске greške broj S-306/21 od 16.12.2021. godine.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. grupa ponuđača “Ado-trans” d.o.o. Visoko i “Špic beton” d.o.o. Zenica sa ponuđenom cijenom za okvirni sporazum u iznosu od 643.894,42 KM bez PDV-a,
2. „Orman“ d.o.o. Kiseljak sa ponuđenom cijenom za okvirni sporazum u iznosu od 652.783,11 KM bez PDV-a,
3. „MGBII“ d.o.o. Sarajevo sa ponuđenom cijenom za okvirni sporazum u iznosu od 657.924,77 KM bez PDV-a,
4. „Mibral“ d.o.o. Sarajevo sa ponuđenom cijenom za okvirni sporazum u iznosu od 658.056,35 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 22.12.2021. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvješćaja o toku i završetku e-aukcije broj postupka 422-1-3-207/21 od 22.12.2021. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „MGBH“ d.o.o. Sarajevo sa ponuđenom cijenom za okvirni sporazum u iznosu od 572.394,55 KM bez PDV-a,
2. grupa ponuđača “Ado-trans” d.o.o. Visoko i “Špic beton” d.o.o. Zenica sa ponuđenom cijenom za okvirni sporazum u iznosu od 575.000,00 KM bez PDV-a,
3. „Orman“ d.o.o. Kiseljak sa ponuđenom cijenom za okvirni sporazum u iznosu od 605.000,00 KM bez PDV-a,

4. „Mibral“ d.o.o. Sarajevo sa ponudenom cijenom za okvirni sporazum u iznosu od 640.800,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjenje za svaku poziciju tehničke specifikacije za procenat koji iznosi konačno procentulno umanjenje cijene postignute nakon e-aukcije za prvorangiranu ponudu, tako da ponuđena cijena okvirni sporazum ponuđača „MGBH“ d.o.o. Sarajevo iznosi 572.394,55 KM bez PDV-a, odnosno 669.701,62 sa PDV-om, o čemu je ponuđač dostavio saglasnost broj 354/21 od 27.12.2021. godine.

Shodno navedenom Komisija ja dala preporuku za zaključenje okvirnog sporazuma sa prvorangiranim ponuđačem nakon provedene e-aukcije.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za ramatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić

